

Perjuangan sebenar graduan bermula selepas tamat pengajian

Foto: ASRI, ASWANDI



Hussamuddin menyampaikan ijazah, diploma, diploma lanjutan dan sijil kepada graduan Politeknik Sultan Salahuddin Abdul Aziz Shah.

SHAH ALAM -Penuntut institut pengajian seharusnya menghargai usaha ibu bapa dan guru masing-masing membantu memberikan pendidikan terbaik kepada mereka.

Pengarah Urusan Kumpulan Media Karangkrat, Datuk Dr. Hussamuddin Yaacob berkata, restitububapa dan guru amat penting kerana ia membawa keberkatan hidup sekali gus mencorak identiti dan jati diri.

"Selepas selesai majlis (konvokesyen), boleh keluar daripada dewan dan cari ibu bapa masing-masing. Kita sebagai pelajar, kena minta maaf banyak-banyak dan berterima kasih kepada mereka yang banyak membantu dan memberikan peluang kepada kita untuk belajar selama ini.

"Kemudian jumpa guru dan pensyarah masing-masing, minta mereka halalkan ilmu yang mereka beri dan apa yang kita pelajari selama ini," katanya ketika merasmikan Majlis Konvokesyen Politeknik Sultan Salahuddin Abdul Aziz Shah kali ke-19, semalam.

Pada majlis itu, 994 graduan menerima ijazah, diploma, diploma lanjutan dan sijil masing-masing.

Hussamuddin berkata, perjuangan sebenar seseorang itu dalam menempuh kehidupan akan bermula selepas berakhirnya sesi pengajian di institusi pengajian masing-masing.

"Majlikan masa kini tidak hanya memandangkan graduan berdasarkan pencapaian semata-mata, tetapi apa yang mereka cari dalam diri calon pekerjaitada-

lah silkap calon itu sendiri, kemampuan mengatasi masalah dan kreativiti kita sendiri," katanya.

Sementara itu dalam ucapannya, Pengarah Politeknik Sultan Salahuddin Abdul Aziz Shah, Tajuddin Abdul Rashid berkata, seramai 994 graduan akan memulakan perjalanan mereka meneroka alam pekerjaan apabila berjaya memamatkan pengajian di Politeknik Sultan Salahuddin Abdul Aziz Shah.

"Graduan terdiri daripada 225 graduan daripada Jabatan Kejuruteraan Awam, 243 graduan daripada Jabatan Kejuruteraan Elektrik, 185 graduan daripada Jabatan Kejuruteraan Mekanikal, dan 311 graduan daripada Jabatan Perdagangan," katanya.